

# FJÖLMIÐLAVAKTIN

AUGU OG EYRU Í SLENSKS ATVIÑNULÍFS

Ljósvakahandrit 16.11.97

stöð 2 19-20

Kvennalistinn

Nokkrar konur íhuga nú alvarlega að segja skilið við Kvennalistann eftir að landsfundur samtakanna samþykkti nú undir kvöld tillögu um að Kvennalistinn taki þátt í viðræðum um sameiginlegan málefnavgrundvöll með flokkum á vinstri væng stjórnmálanna vegna alþingiskosninganna 1999.

Það gekk eftir sem margir höfðu spáð að mikill hiti yrði í umræðum um tillögu hóps kvennalistakvenna sem borin var upp í morgun á síðasta degi landsfundarins. Tillagan gerir ráð fyrir að Kvennalistinn taki þátt í viðræðum um sameiginlegan málefnavgrundvöll Kvennalista, jafnaðarmanna, Alþýðubandalags og annarra hópa vegna Alþingiskosninganna 1999. Markmið þeirra viðræðna verða af hálfu Kvennalistans að kvenfrelssjónarmið verði í fyrirrúmi í allri málefnavinnu og svokölluð samþættingaraðferði verði notuð í því skyni. Hópur fundarkvenna taldi sig alls ekki geta fallist á að Kvennalistinn gengi til viðræðna við hina svonefndu A-flokk, töldu að þeir hefðu alls ekki alltaf haft sjónarmið kvenfrelsí og félagshyggju að leiðarljósi og urðu umræður á köflum mjög heitar. Flestar fundarkonur vonuðu fram eftir degi að málamiðlun fengist sem samstaða næðist um en svo fór að lokum að tillaga var borin undir atkvæði með nafnakalli. Atkvæði fóllu þannig að 38 konur samþykktu að ganga til þeirra viðræðna sem tillagan gerir ráð fyrir, 16 voru á móti og 6 sátu hjá. Nokkrar konur voru farnar af fundinum og höfðu sumar þeirra skilið eftir atkvæði sín en sátt var um að taka þau atkvæði ekki með. Í ljósi niðurstaðna er ljóst að nokkrar konur íhuga nú alvarlega stöðu sína innan Kvennalistans.

*Kristín Einarsdóttir, fyrrverandi þingmaður: Kvennalistinn komst að ákveðinni málamiðlun nuna í haust og sagði konur innan Kvennalistans geta valið sér ólikar baráttuleiðir en við stöndum allar saman að baki fulltríum okkar á Alþingi og í sveitarstjórnunum. EF þær vilja ekki að við fórum margar leiðir heldur bara þessa einu, vinstri leið, þá þarf ég að hugsa mig vel um.*

*Kristín Ástgeirsdóttir, þingmaður Kvennalistans: Þetta eru mikil tíðindi sem hér eru að gerast og það er búið að*

*samþykkja hér að Kvennalistinn gangi til viðræðna við A-flokkana. Það á eflaust eftir að hafa miklar afleiðingar í för með sér en það verður bara að koma í ljós hverjar þær verða, ég ætla ekkert að segja neitt um það á þessari stundu.*

*Jón Þórðarson: Það skildu margir ræðu þína í dag þannig að þú myndir segja jafnvel skilið við Kvennalistann?*

*Kristín Ástgeirs dóttir: Það er allt .... í þeirri stöðu ég ætla bara að taka mér tíma til þess að hugsa um það hvað best er að gera í stöðunni og við sjáum svo hvað setur.*

Tími: 2:24

Fréttamaður: Jón Þórðarson

---

Ljósvakafréttir eru gefnar út af Miðlun ehf.,  
Tunguhálsi 19, simi: 580-8080, fax: 580-8087.

[ljosvaki@midlun.is](mailto:ljosvaki@midlun.is) <http://www.midlun.is/fjolmidlavaktin/>

# FJÖLMIDLAVAKTIN

AUGU OG EYRU ÍSLENSKS ATVÍNNULIFS

Ljósvakahandrit 16.11.97

Ríkisútvarpið 19:00

Kvennalistinn í kreppu

Kvennalistakonur samþykktu á landsfundi sínum í dag með afgerandi meirihluta að listinn gengi til viðræðna um sameiginlegan málefagnagrundvöll á vinstri væng íslenskra stjórmála fyrir næstu alþingiskosningar. Andstæðingar tillögunnar sögðu samþykkt hennar harmsögu og alvarlegt skref.

Óhætt er að fullyrða að ágreiningur hafi verið mikill á fundinum og eftir að umræðum um þá tillögu sem fyrir fundinum lá um samþykki listans fyrir þátttöku í viðræðum félagshyggjuflanna um samstarf í alþingiskosningunum 1999 lauk, var samþykkta að greiða atkvæði um tillöguna og þau félru þannig að 38 voru henni samþykkar en 16 andsnúnar. Sex sátu hjá. Atkvæðagreiðslan fór fram eftir að Guðrún Agnarsdóttir, hafði lagt fram sáttatillögu sem engin sátt varð um og hún dró því baka, enda var þá ljóst að ágreiningurinn yrði ekki jafnaður með málamiðlunum. Andstæðingar tillögunnar létu bóka að með samþykkt hennar væri stigið alvarlegt skref og ein fundarkvenna kallaði hana harmsögu. Óvenjulegt er að greidd séu atkvæði um tillögu sem þessa á landsfundi og var nokkur óánægja með það og töldu margar kvennanna það jafngilda því að verið væri að kúga minnihlutann til hlýðni. Hér hjá mér er Guðný Guðbjörnsdóttir, þingkona Kvennalistans, Guðný, þú fórst fyrir samfylkingarsinnum á fundinum, ertu ánægð með niðurstöðuna?

*Guðný Guðbjörnsdóttir, þingkona Kvennalistans: Nei, þetta eru mjög skýr og afgerandi niðurstaða en, og að minu mati þá ætti hún ekki í raun og veru að leiða til neins klofnings fyrr en hugsanlega á næsta landsfundi, þ.e.a.s. þegar árangur þessa viðræðna er ljós. En sumar kvennanna kusu að lita á þetta sem ögurstundina, sem ég er bara engan veginn sammála.*

*Kristján Kristjánsson: Guðrún Agnarsdóttir sagði fyrr á fundinum að ágreiningurinn væri svo mikill að það gildi í raun einu hvernig atkvæðagreiðslan fær, Kvennalistinn myndi aldrei ganga heill til viðræðna um hugsanlegt samstarf við aðra flokka. Telurðu þetta rétt mat hjá henni?*

*Guðný Guðbjörnsdóttir: Ég geri það ekki. Ég held að það verði bara að koma í ljós, hvað þessar viðræður, hvert þær leiða, og það var t.d. þannig að þegar við klofnuðum í kringum kvennaframboðið, Kvennalistaákvörðunina 1983, að þá voru það margar konur sem ekki gátu sætt við það að Kvennalistinn fær, eða að Kvennalistinn varð til. Síðan komu þær til samstarfs við okkur. Þannig að ég held að það geti enginn svarað þessu á þessari stundu.*

*Kristján: En finnst þér líklegt að þetta hafi engu að síður verið ja, mikilvægur ef ekki afdrifaríkur fundur?*

*Guðný Guðbjörnsdóttir: Ja, sumar konur kjósa líta þannig á það, og ég held að það verði, þetta verði til þess að einhverjar fara út úr Kvennalistanum.*

Í ræðu sinni á fundinum í dag sagði Kristín Ástgeirs dóttir, önnur þingkona Kvennalistans, að hún óskaði samfylkingarsinnum heilla en jafnframt að hún ætti ekki lengur samleið með þeim, Kristín, þýðir þetta að þú sért á leið út úr Kvennalistanum?

*Kristín Ástgeirs dóttir, þingkona Kvennalistans: Þetta verður örlagarík ákvörðun og þarna takast á eins og ég sagði grunvallarsjónarmið og ég mun auðvitað vega og meta mina stöðu í ljósi þeirra niðurstöðu sem hér verður.*

Tími: 4:20

Fréttamaður: Kristján Kristjánsson

---

Ljósvakafréttir eru gefnar út af Miðlun ehf.,  
Tunguhálsi 19, simi: 580-8080, fax: 580-8087.

[ljosvaki@midlun.is](mailto:ljosvaki@midlun.is) <http://www.midlun.is/fjolmidlavaktin/>

Ljósvakahandrit 16.11.97

BYLGJAN 12:00

Kvennalistinn og samstarf við félagshyggju-flokka

Samstarf Kvennalistans við félagshyggju-flokkanna fyrir næstu alþingiskosningar er besta leiðin til að ná fram markmiðum Kvennalistans. Þetta segir Hulda Ólafsdóttir, varaborgarfulltrúi R-listans, sem leggur fram tillögu um slikt samstarf á landsfundi Kvennalistans.

Alþingiskosningar 1999 og ályktun fundarins eru stóru málín á landsfundinum á Úlfhljótsvatni sem lýkur seinna í dag. Hulda Ólafsdóttir fer fyrir hópi kvenna sem leggja fram tillögu um samstarf við félagshyggjuflokkana og á fundinum í dag hefur hún gert grein fyrir þeim viðræðum sem hópur Kvennalistakvenna hefur átt við félagshyggjuflokkana um hugsanlega samvinnu.

Hulda Ólafsdóttir: Í framhaldi af því að þá mun ég leggja fram tillögu fyrir hönd hópsins um það að það verði allur Kvennalistinn sem að standi óskiptur að þessu samstarfi eða samstarfi um málefnavundvöll.

Hulda sagði tillöguna ekki fela í sér neitt ákveðið um hvaða málefni yrðu sett á oddinn né heldur hvaða form yrði á hugsanlegu samstarfi. Hulda segist búast við heitum umræðum um tillöguna því vissulega greini Kvennalistakonur á um leiðir. Þær eigi sér hins vegar allar sama markmið, að vinna að auknu kvenfrelsi. Þá sagði Hulda samstarf við aðra flokka alls ekki útloka grasrótarvinnu í anda Kvennalistans. Slik vinna og samstarf gætu farið vel saman.

Tími: 1:40

Fréttamaður: Teitur Þorkelsson



## Ljósvakahandrit 16.11.97

Ríkisútvárpíð 12:20

### Án samfylkingar líður Kvennalistinn undir lok

Rætt er um viðræður við aðra flokka um sameiginlegt framboð til næstu þingkosninga á landsfundi Kvennalistans, sem nú stendur yfir að Ulfþjótsvatni. Jóna Valgerður Kristjánsdóttir, fyrverandi þingkona Kvennalistans á Vestfjörðum, telur að listinn muni líða undirloka sem framboðsafl gangi hann ekki til samstarfs við aðra flokka.

Nú standa yfir umræður á landsfundi Kvennalistans um alþingiskosningarnar 1999 og í þeim er reynt að svara þeim spurningum sem heitast brenna á listanum, þ.e. hvort hann eigi að veita samþykki sitt fyrir því að listinn í heild taki þátt í viðræðum um hugsanlega samfylkingu vinstri manna. Umræðurnar hófust um klukkan 11 með því að Jóna Valgerður Kristjánsdóttir, fyrverandi þingkona listans á Vestfjörðum, flutti eins konar framsögu. Hún minntist á að að allsstaðar væri Kvennalistinn að vinna með öðrum flokkum í sveitarstjórnarmálum og það gegni víða vel. Hún sagðist ekki myndi hvetja til þess að konur biðu fram sérstaka lista við næstu þingkosningar á Vestfjörðum, til þess hefðu þær ekki þrek og að öllu óbreyttu sagðist hún telja að Kvennalistinn myndi ekki fá nema eina til tvær konur á þing á landinu öllu í þingkosningum. Jóna Valgerður, þetta eru nokkuð skýr orð af þinni hálfu, má skilja þau þannig að Kvennalistinn líði undir lok ef hann ekki fylkir sér með þeim flokkum sem nú eiga í sameiningar-eða samstarfsviðræðum?

*Jóna Valgerður Kristjánsdóttir, fyrverandi þingkona Kvennalistans: Sem framboðsafl, þá tel ég að ekki þýði fyrir hann að reyna að bjóða fram árið 1999, en hvort Kvennalistinn líður undir lok, er ég ekki tilbúin að samþykka því að ég held að þau málefni sem Kvennalistinn hefur haft á stefnuskrá og haldið fram, þau munu lifa og Kvennalistinn finnur sér hugsanlega einhverja aðra leið heldur en framboðsleiðina en ef að framboðsleiðin á að vera farin, þá held ég, að hann verði að vera í samstarfi við aðra flokka.*

*Kristján Kristjánsson: Þannig að þú munt hvetja eindregið til þess á fundinum?*

*Jóna Valgerður Kristjánsdóttir: Já, ég er búin að gera það og*

hef réyndar gert það núna undanfarin ár og ég hvet eindregið til þess að þær leiðir séu skoðaðar. Ég er ekki að segja að þær leiði til þeirrar niðurstöðu að við fórum í framboð með öðrum flokkum en við eigum að skoða leiðirnar og reyna að koma þeim málum áfram sem að við höfum verið fulltrúar fyrir.

Kristján: Nú liggar fyrir fundinum tillaga frá hópi Kvennalistakvenna um að gengið verði til þessa samráðs eða viðræðna um málefnagrundvöll eins og það er orðaða, telurðu að þessi tillaga eigi mikinn hljómgrunn hér á fundinum?

Jóna Valgerður Kristjánsdóttir: Það er nú svo með okkur Kvennalistakonur að við erum ekkert að kanna það mikil fyrirfram hvernig landið liggar, það verður bara að fara, koma í ljós hvernig það fer hér á eftir. Ég vona þó að við þurfum ekki að fara að taka það til aikvæðagreiðslu. Við höfum alltaf reynt að leita samkomulags, ég vona að þessi tillaga eigi þann hljómgrunn að hún hafi í raun meirihluta, og þannig verði samkomulag um það að þessi tillaga fari í gegn.

Umræðum um þetta mál verður framhaldið hér að loknum hádegisverði sem boðaður er klukkan eitt.

Tími: 3:00

Fréttamaður: Kristján Kristjánsson

---

Ljósvakafréttir eru gefnar út af Miðlun ehf.,  
Tunguhálsi 19, sími: 580-8080, fax: 580-8087.

[ljosvaki@midlun.is](mailto:ljosvaki@midlun.is) <http://www.midlun.is/fjolmidlavaktin/>



## Ljósvakahandrit 15.11.97

sjónvarpið 20:00

### Frá landsfundi Kvennalistans

Jafnréttisumræða og hugsanlegar breytingar á jafnréttislögum voru stóru málín á dagskrá landsfundar Kvennalistans í dag. Andi samstarfs við aðra flokka sveif yfir vötnum á fundinum að mati borgarstjóra.

Fundarstaður landsfundar Kvennalista er í Grafningi og þar var jafnréttisumræðan í algleymingi í dag. Kostir og gallar jafnréttislaganna voru dregnir fram og ræddar raunhæfar leiðir til að efla og styrkja stöðu kvenna t.d. á vinnumarkaði.

Brynhildur Flovenz, lögfræðingur: Nú við leggjum kannski til að í fyrsta lagi þá verði jafnréttisráð eða Jafnréttisstofnun eða hvað við köllum það nú sú opinbera stofnun sem sér um jafnréttismál að hún verði ekki undir framkvæmdavaldu heldur heyri beint undir Alþingi. Og Alþingi skipi bara forstöðukonu eða forstöðumann þeirrar stofnunar sem síðar ræður sér sitt starfsfólk. Sú stofnun verði efld til muna frá því sem skrifstofa jafnréttismála t.d. er í dag.

En framtíð Kvennalistans var líka rædd og sömuleiðis afstaða kvennalistakvenna til hugsanlegrar samfylkingar við aðra flokka.

Jóhanna Vigdís Hjaltadóttir: Hugsanleg samvinna Kvennalistans við aðra flokka. Er það spurning um hvort Kvennalistinn lifi af?

Guðný Guðbjörnsdóttir, alþingismaður (V): Ég sé það nú ekki beint þannig, ég hugsa að Kvennalistinn lifi af, það er bara spurningin hvort hann verður áfram framboðsafl. Sumar konur vilja bara fara í kennabaráttu aftur í grásrótinu. Ég sé þetta sem stórkostlegt tækifæri núna að Kvennalistinn verði aðili að stærra afli.

Jóhanna Vigdís: Stendur Kvennalistinn á timamótum?

Ingibjörg Sólrún Gisladóttir, borgastjóri ®: Já, ég held að hann geri það tvímælalaust. Og það sem er nú kannski skemmtilegt við þetta er að þessi timamót virðast hafa hleypt heilmiklu fjöri í pólitísku umræðu í Kvennalistanum þannig

*að það er heilmikill áhugi og meiri heldur en verið hefur undanfarin ár.*

*Borgarstjóri segir konurnar fyrst og fremst greina á um leiðir að settu marki.*

*Ingibjörg Sólrún Gisladóttir: Mér finnst nú trúlegt að þær ákveði að fara inn í viðræður við hina flokkana um einhvers konar samstarf og láti á það reyna. Það er svona andi sem mér finnst svífa hér yfir vötnum án þess að ég geti nú neitt fullyrt um það.*

*Sennilega mun koma í ljós á morgun hvaða leið verður farin, hvort kvennalistakonur ætli áfram að vera einar á ferð eða ræða við aðra flokka með sameiginleg framboð i huga.*

Tími: 2:20

Fréttamaður: Jóhanna Vigdís Hjaltadóttir

---

Ljósvakafréttir eru gefnar út af Miðlun ehf.,  
Tunguhálsi 19, sími: 580-8080, fax: 580-8087.

[ljosvaki@midlun.is](mailto:ljosvaki@midlun.is) <http://www.midlun.is/fjolmidlavaktin/>

Ljósvakahandrit 15.11.97

Stöð 2, 19-20

Beitir sér fyrir jafnréttisstofnun

Kvennalistinn íhugar að beita sér fyrir því að sett verði á fót jafnréttistofnun sem hefði það hlutverk að fylgja jafnréttislögunum eftir. Landsfundur Kvennalistans fer fram nú um helgina í Úlfljóstsskála í Grafningi. Á morgun dregur til tíðinda þegar lögð verður fram tillaga um að viðræður fari fram á við vinstri flokkanna um samfylkingu í kosningunum í vor, en skiptar skoðanir hafa verið um málið innan Kvennalistans.

Um 70 konur eru mættar til fundarins sem fer fram undir yfirskriftinni: Er vilji fyrir jafnri stöðu kynjanna á Íslandi? Dagskrá fundarins er því sem oft áður að mestu helguð jafnréttisbaráttunni en konur segja að þrátt fyrir ágæta löggjöf sé staða kynjanna langt frá því að getað talist jöfn. Meðal hugmynda sem ræddar hafa verið á fundinum er að sett verði upp sérstök jafnréttisstofnun sem hefði svipað vald og Samkeppnisstofnun og vald til að fylgja eftir jafnréttislögunum. Á morgun er búist við að umræður geti orðið heitar, þegar borin verður fram tillaga um að viðræður fari fram um samfylkingu Kvennalistans með flokkum á vinstri væng stjórmálanna. Kvennalistakonur hafa hingað til verið þess ófúsar að staðsetja sig í litrófi stjórmálanna.

*Guðný Guðbjörnsdóttir, alþingismaður: Kannski áherslur okkar hafa oft verið tengdari félagshyggjuflokkunum heldur en þeim sem eru lengst til hægri í íslenskum stjórmálum. En vissulega, ég held að við bara, myndum ganga til svona samstarfs á grundvelli okkar stefnuskrár og ég er ekki i nokkrum vafa um miðað við bara samvinnuna í Alþingi að það er hægt að ná saman málefnalega ef að vilji er fyrir hendi.*

*Jón Þórðarson: Þú hefur nú verið svona kannski heldur mótfallin því að fara í svona samfylkingu en muntu beygja þig fyrir vilja fundarins?*

*Kristín Ástgeirs dóttir, alþingismaður: Já, ég er andvig því að ganga til liðs við A-flokkana og ég stend á þeirri skoðun minni, en við skulum bara taka eitt skref i einu og sjá hver niðurstaðan verður og svo kemur í ljós hvert framhaldið*

verður.

Jón: Þú vilt ekki gefa út hvort þú munt fylgja Kvennalistanum  
ef hann fer í samfylkingu við A-flokkanna?

Kristín Ástgeirs dóttir: Eitt skref í einu.

Tími: 2:55

Fréttamaður: Jón Þórðarson

---

Ljósvakafréttir eru gefnar út af Miðlun ehf.,  
Tunguhálsi 19, sinni: 580-8080, fax: 580-8087.

[ljosvaki@midlun.is](mailto:ljosvaki@midlun.is) <http://www.midlun.is/fjolmidlavaktin/>

# FJÖLMIDLAVAKTIN

AUGU OG EYRU ÍSLENSKS ATVIÐNULÍFS

Ljósvakahandrit 15.11.97

ríkisútværið 19:00

Landsfundur Kvennalistans

Brynhildur Flovenz varpaði því fram á landsfundi Kvennalistans í dag hvort rétt væri að leggja niður jafnréttisráð og að önnur og mun valdameiri stofnun kæmi í hennar stað.

Landsfundur Kvennalistans hófst í morgun. Fyrir liggur að ágreiningur er innan listans um hvernig eða hvort hann eigi að koma að sameiningarmálum vinstri manna. Fyrir fundinum liggur það sem kallað er ávarp til kvennalistakvenna og undirritað er af óskilgreindum hópi sem kallar sig hóp kvenfrelsiskvenna. Í ávarpinu segist þessi hópur ósáttur við að listinn stilli sér upp við hlið svokallaðra vinstri flokka, eins og það er orðað, og hópurinn vill ekki að Kvennalistinn verði hluti af kratasamsteypu og miðjumoði. Fram kom hjá Guðný Guðbjörnsdóttur, þingkonu listans, í hádegisfréttum Útvarpsins, að það bíði næsta landsfundar að ákveða hvort listinn taki þátt í hugsanlegri samfylkingu félagshygguflanna en á þessum fundi á að taka afstöðu til þeirrar spurningar hvort Kvennalistinn með leyfi landsfundar hans eigi að taka þátt í viðræðum um samfylkingu. Allt þetta kemur betur í ljós á morgun þegar tekin verða á dagskrá mál tengd sveitarstjórnarkosningum á næsta ári og

Alþingiskosningunum 1999. En í dag bar hæst á fundinum erindi þeirra Brynhildar Flovenz sem bar jafnréttislöggjöfina saman við samkeppnislögin og Ásdísar Olsen sem fjallaði um þá spurningu hvort fjölmíðlar væru fyrir alla. Brynhildur Flovenz sagði í sínu erindi m.a. að þær stofnanir sem framfylgja eiga jafnréttislögum skorti til þess vald. Og hún varpaði því fram hvort leggja bæri jafnréttisráð niður. Af hverju?

*Brynhildur Flovenz: Við höfum verið að velta þeirri hugmynd upp hvort að skrifstofa jafnréttismála ætti ekki að heyra beint undir Alþingi svipað kannski og Ríkisendurskoðun, vera svona stofnun sem hefði mjög virkt efstirlit. Kærunefnd starfaði áfram að visu og hún hefði mjög aukið vald þannig að úrskurðir hennar hefði meira vægi væru bindandi fyrir aðila en ekki bara álit eins og nú er.*

*Kristján Kristjánsson: Hversu mikið vald á þessi stofnun að*

hafa?

*Brynhildur Flovenz: Hún á að hafa umtalsvert vald. Hún á að hafa vald svo sem eins og hún hefur kannski að sumu leyti í dag, hafa vald til að gripa inní og afla upplýsinga um ástand mála viðs vegar í þjóðfélaginu. Hún á lika að láta fylgja eftir jafnréttislögunum, ætti að geta gripið inní hjá fyrirtækjum, skoðað stöðuna þar, hvernig er launamálum háttar, hvernig er stöðuveitingum háttar og haft svona almennt eftirlit með því að þessum lögum sé framfylgt.*

*Kristján Kristjánsson: Þú tengdir þarna saman samkeppnislög og jafnréttislög. Í samkeppnislögum er Samkeppnisstofnun leyfilegt að leggja á sektir ef fyrirtæki verða ekki við tilmælum hennar. Kemur eitthvað slikt til greina?*

*Brynhildur Flovenz: Já, já, að sjálfsögðu kemur það vel til greina í jafnréttismálunum eins og samkeppnismálunum. Frjáls samkeppni er pólitiskt markmið sem að menn vilja vinna að og til þess hafa þeir þessi miklu úrræði og hið sama viljum við gera í jafnréttismálunum. Því að við teljum jafnrétti kynjanna síður en svo minna mikilvægt en frjálsa samkeppni.*

Um 70 konur sitja landsfund Kvænnalistans hér að Úlfliðsvanti. Stemningin er fremur friðsamleg og ekki að sjá a.m.k. á yfirborðinu að djúpstæður ágreiningur kraumi undir niðri.

Tími: 3:00

Fréttamaður: Kristján Kristjánsson

---

Ljósvakafréttir eru gefnar út af Miðlun ehf.,  
Tunguhálsi 19, sími: 580-8080, fax: 580-8087.

[ljosvaki@midlun.is](mailto:ljosvaki@midlun.is) <http://www.midlun.is/fjolmidlavaktin/>



## Ljósvakahandrit 15.11.97

Ríkisútværið 12.20

Byrlega blæs í samfylkingarmálum

Guðný Guðbjörnsdóttir, þingmaður Kvennalistans, segir að byrlega blási í samfylkingarmálum með félagshygjuflokkum á landsfundi Kvennalistans, sem haldinn er á Ulfhljótsvatni.

*Guðný Guðbjörnsdóttir, þingmaður Kvenna-listans: Ég held að það sem að ég vildi sjá út úr þessum fundi væri bara einhvers konar að Kvennalistinn i heild myndi ganga til viðræðna um samstarfsgrundvöll til fjögurra ára og síðan er það að sjálfsögðu landsfundar Kvennalistans að taka endanlega afstöðu og það getur auðvitað allt gerst í slikum samræðum, hugsanlega ganga þær ekki og þá tel ég mjög gott að Kvennalistinn i heild geti þá tekið þá afstöðu hvað gerum við þá, þannig að ég vil meina að þetta...geti orðið mikilvægt skref en lokaskrefið verður aldrei stigið fyrr en á næsta landsfundi Kvennalistans sem að hugsanlega yrði flýtt ef að þess væri þörf.*

Segir Guðný Guðbjörnsdóttir. Kristín Ástgeirs dóttir og hópur kvenna á fundinum er mótfallinn samfylkingu með A-flokkunum fyrir þingkosningar 1999..

Timi: 1:40

Fréttamaður: Jóhann Hauksson

---

Ljósvakafréttir eru gefnar út af Miðlun ehf.,  
Tunguhálsi 19, sími: 580-8080, fax: 580-8087.

[ljosvaki@midlun.is](mailto:ljosvaki@midlun.is) <http://www.midlun.is/fjolmidlavaktin/>



## Ljósvakahandrit 16.11.97

Sjónvarpið 20:00

Samþykkir samstarf við aðra flokka

Landsfundur Kvennalista samþykkti nú undir kvöld tillögu um að taka þátt í viðræðum um samstarf við aðra flokka. Harðar deilur voru á fundinum um tillöguna, þar sem fram komu gjörólík sjónarmið.

Tillagan sem borin fram upp í morgun er umfangsmikil. Lagt er til að Kvennalisti taki þátt í viðræðum um sameiginlegan málefniagrundvöll listans, jafnaðarmanna, Alþýðubandalags og annarra hópa, vegna alþingiskosninga árið 1999. Forgangsverkefni þess samstarfs verður samkvæmt tillögunni, að koma á kvenfrelsi og jafnrétti í reynd.

*Kristín Árnadóttir, aðstoðarkona borgarstjóra: Ég held að sé bara nauðsynlegt fyrir Kvennalistann að taka þátt í þeirri mótn og endurskoðun á stjórnmálum sem á sér stað nuna. Ég lít svo á að þetta sé svona eins konar stjórnarmyndunarviðræður, ef að næst samkomulag milli þeirra sem þarna eru að fara í viðræður sem allir geta sett sig við, þá getur orðið úr frekara samstarfi að ræða, en ef að konum sýnist í þessu tilfelli, Kvennalistakonum sýnist það að þetta sé ekki fýsileg leið, nú þá verður hún ekki farin.*

Andstæðingar tillögunnar eru þó nokkrir. Þingflokkurinn er klofinn í málínu og þær raddir heyrðust á landsfundi í dag að tillagan væri gamaldags, úrelt örþrifaráð sem mundi eyðileggja sérstöðu Kvennalistans.

*Jóhanna Vigdís Hjaltadóttir: Hvað mælir gegn því að fara í þetta samstarf?*

*Kristín Einarsdóttir, fyrrverandi þingkona Kvennalistans: Kvennalistinn er kvenfrelsishreyfing, og kvenfrelsi er hægt að skilgreina til hægri eða vinstri og ég get ekki fellt mig við það að Kvennalistinn stilli sér upp við hliðina á vinstri flokkunum, því að ég tel að kvenfrelsi eigi sér ótal farvegi og ótal leiðir og það er ekki hægt að samþykka það að Kvennalistinn sé vinstri félagshygguflokkur. Kemur ekki til greina af minni hálfu.*

Tími: 2:30

Fréttamaður: Jóhanna Vigdís Hjaltadóttir

---

Ljósvakafréttir eru gefnar út af Miðlun ehf.,  
Tunguhálsi 19, sími: 580-8080, fax: 580-8087.

[ljosvaki@midlun.is](mailto:ljosvaki@midlun.is) <http://www.midlun.is/fjolmidlavaktin/>

# FJÖLMIÐLAVAKTIN

AUGU OG EYRU ISLENSKS ATVINNULIFS

Ljósvakahandrit 16.11.97

Sjónvarpið 20:00

Vilja kvenfrelsissjónarmið sem sterkust

Jóhanna Vigdís Hjaltadóttir: Guðný Guðbjörnsdóttir, þýðir þetta einfaldlega að tími Kvennalistans er liðin?

Guðný Guðbjörnsdóttir, þingkona Kvennalistans: Ég mundi alls ekki segja það. Ég tel að þarna hafa verið að kristallaserast svona ákveðin viðhorf, alveg síðan um síðustu kosningar og núna tel ég að þessi hópur hann gerir þá tillögu þessa sem núna hefur verið samþykkt á landsfund, vegna þess að hann vill að kvenfrelsissjónarmið verði sem sterkust inni þessum viðræðum sem eru framundan og það muni koma mun betur út að við komum þá sameinaðar inn í þetta og út úr því lika ef að það gengur ekki. Og við lítum á þetta sem mjög sérstakt tækifæri í íslenskum stjórnámum til þess að koma kvenfrelsissjónarmiðum að og konum í sterku stjórnmálaaflí.

Jóhanna Vigdís: En nú blasir við að sérstaða floksins yrði þá ekki lengur, yrði þá ekki lengur fyrir hendi, þingflokkurinn er klofin í sinni afstöðu, býstu við úrsögnum úr Kvennalistanum núna á þessu stigi?

Guðný Guðbjörnsdóttir: Það er alls ekki hægt, það er of snemmt segja nokkuð á þessu stigi málsins, en það voru ekki nema 2, 3 konur sem orðuðu eitthvað slikt á fundinum í dag og það er bara alltof snemmt að segja það. Og ég held að þetta, þetta er svona ákveðin frelsun held ég og þú talaðir um að það væru, hefðu verið mjög skiptar skoðanir, það voru í raun og veru bara 2 tillögur til umræðu, önnur var sú að samþykka samþykkt samráðs frá því í ágúst, þ.e.a.s. yrði bara hópur sem tæki þátt í þessum viðræðum og hin sú að það væri Kvennalistinn í heild. Þannig að skoðanir voru nú ekki mikil skiptari en það að öðru leyti erum við allar sammála um það að halda áfram kvennabaráttu í grásrótinni.

Jóhanna Vigdís: Þær sem að í rauninni eru á móti því að fara út í þessar viðræður voru ansi hardorðar í dag og m.a. var talað um úrelt gamaldags örþrifaráð, hvað finnst þér um þessi ummæli?

Guðný Guðbjörnsdóttir: Ég upplifði þetta sem algjör tímamót í íslenskum stjórnámum, þessi tækifæri núna, hugsanlega til

þess að skapa nýtt og sterkt félagshyggjuafl og ég tel að það geti verið mjög mikilvægt að Kvennalistinn komi þar inní samanber t.d. Reykjavíkurlistann í Reykjavík, einmitt til þess að við komum uppúr þessum hefðbundnu A-flokka hjólförum og það verði til nýtt afl sem að Kvennalistinn hefur þá áhrif á að móta.

Jóhanna Vigdís: En hvað með þingflokkinn þá núna á næstu dögum, nú eru þið þrjár allar á öndverðum meiði?

Guðný Guðbjörnsdóttir: Ég held að það sé mjög eðlilegt að þingflokkurinn endurspeglar hreyfinguna að einhverju leyti, það er mikill meirihluti fyrir þessari tillögu meðal virkra Kvennalistakvenna og ég á ekki von á því að það verði neitt vandamál. Þetta er búið að vera svona í allt haust og við bara vitum af því og, þannig að ég hef engar sérstakar áhyggjur af því. Við störfum allar samkvæmt stefnuskrá Kvennalistans og munum gera það áfram.

Tími: 3:00

Fréttamaður: Jóhanna Vigdís Hjaltadóttir

---

Ljósvakafréttir eru gefnar út af Miðlun ehf.,  
Tunguhálsi 19, sími: 580-8080, fax: 580-8087.

[ljosvaki@midlun.is](mailto:ljosvaki@midlun.is) <http://www.midlun.is/fjolmidlavaktin/>

# FJÖLMIDLAVAKTIN

AUGU OG EYRU ÍSLENSKS ÁTVINNULÍFS

Ljósvakahandrit 17.11.97

ríkisútvarpíð 12:20

Kvennalistinn getur klofnað.

Þingflokkur Kvennalistans getur þríklofnað á næstu vikum í kjölfar landsfundarins um helgina. Aðeins ein þingkona, Guðný Guðbjörnsdóttir ætlar að taka þátt í samningaviðræðum A-flokkanna. Kristín Halldórsdóttir sat hjá í atkvæðagreiðslu en starfar líklega áfram á þingi fyrir Kvennalistann án þess að taka þátt í viðræðum. Kristín Ástgeirs dóttir bendir á enn einn möguleika að ganga úr samtökunum og starfa óháð á þingi.

Staðan í þingflokkri Kvennalistans er nokkuð sérstök eftir samþykkt landsfundar um helgina þar sem ákveðið var að ganga til viðræðna við A-flokkana um sameiginlegt framboð. Vilji meirihluta landsfundarfulltrúa endurspeglast ekki í sömu hlutföllum á þingi.

*Kristín Ástgeirs dóttir, þingkona Kvennalistans: Ja, hann endurspeglast nú ekki í þingflokknum því að það er ein þingkona sem er fylgjandi þessum samningaviðræðum. Önnur er á móti það er að segja ég. Og síðan er sú þriðja sem að sat hjá og hefur lýst því yfir að hún ætti sér ekki að taka þátt i þessu. Þannig að þetta er auðvitað mjög sérkennileg staða.*

Kristín Ástgeirs dóttir segir að nú þurfi að vega og meta hvað hægt sé að gera. Og ekki aðeins fyrir þingflokkinn heldur fyrir Kvennalistann allan. Innan þingfloksins geti margt gerst jafvel geti komið til uppgjörs.

*Kristín Ástgeirs dóttir: Í fyrsta lagi þá getum við auðvitað snúið bökum saman og ja, sett okkur við vilja meirihlutans og gengið til liðs við þær konur sem að vilja fara út í þetta samstarf og reynt að stuðla að því að það skili þá sem mestum árangri. Nú önnur leið er sú að sitja bara hjá og þrauka út kjörtímabilið og reyna að vinna sitt starf sem allra best inn á þingi og annars staðar. Og þriðji möguleikinn er auðvitað sá bara að ganga út og láta þær þá um þetta. Þá er ég að tala um að ganga út úr þingflokknum og út úr Kvennalistanum. Þetta síðast nefnda er auðvitað mjög alvarleg ákvörðun og þarf auðvitað að ihuga mjög vandlega.*

Kristín reiknar með því að slik ákvörðun yrði þá tekin

sameiginlega af þeim hópi sem er andvígur samstarfi og þá á næstu dögum eða vikum ef af verður. Enda telur hún það ekki sitt einkamál hvort hún er eða fer úr Kvennalistanum. En hópurinn sem Kristín víesar til er úr innsta og kannski fyrsta kjarna Kvennalistans.

*Kristín Ástgeirs dóttir: Ja, þær konur sem við getum kannski kallað sköpuði Kvennalistans og margar þeirra hafa verið fulltrúar, þingkonur, borgarfulltrúar fyrir Kvennalistann á liðnum árum. Þetta eru náttúruleg mjög sterkar konur sem að hafa haft mikil áhrif á stefnu og starf Kvennalistans. Þannig að þetta yrði mikil blóðtaka.*

Tími: 2:35

Fréttamaður: Björg Eva Erlendsdóttir

---

Ljósvakafréttir eru gefnar út af Miðlun ehf.,  
Tunguhálsi 19, simi: 580-8080, fax: 580-8087.

[ljosvaki@midlun.is](mailto:ljosvaki@midlun.is) <http://www.midlun.is/fjolmidlavaktin/>

# FJÖLMIÐLAVAKTIN

AUGU OG EYRU ISLENSKS ATVINNULÍFS

Ljósvakahandrit 17.11.97

---

sjónvarpið 20:00

Kvennalistinn

---

Formaður Kvenréttindafélags Íslands sagði sig úr Samtökum um kvennalista í dag. Ástæðan er niðurstaða landsfundar Kvennalistans í samfylkingarmálum um helgina einkum og sér í lagi hvernig hún var fengin.

Tvær konur sögðu skilið við samtökin í dag, önnur þeirra er Sigríður Lilly Baldursdóttir, formaður Kvenréttindafélags Íslands. Menn bjuggust raunar við því að niðurstaða landsfundar Kvennalistans í samfylkingarmálínu sundraði hópnum. Andstaða Kristínar Ástgeirs dóttur er ljós og var raunar fyrir landsfund þótt hún hafi ekki enn tekið endanlega ákvörðun um áframhaldandi veru í Kvennalistanum. Sigríður Lilly Baldursdóttir staðfesti hins vegar úrsögn sína í samtali við fréttastofu í kvöld en vísaði að öðru leyti í bréf sitt til samtakanna. Þar gerir hún grein fyrir viðhorfum sínum til Kvennalistans þegar hún gekk til liðs við hann og hvað sér hafi þótt merkilegast. Vinnubrögðin í samfylkingarmálínu öllu beri hins vegar bott um breytta tíma. Kvennalistinn sé búinn að missa flugið hvað málefni varðar og eins vinnubrögðin þau séu farin. Athygli vekur að Sigríður Lilly talar um Kvennalistann í þátíð í bréfi sínu, dæmi um það: "Kvennalistinn var mikilvæg og öflug hreyfing sem hefur markað mikilvæg spor en nú sýnist mér að sannast hafi eina ferðina enn að stuttur liftími er lögmál sem alla jafna gildir í kvennahreyfingunni." Í lok bréfsins segir enn fremur orðrétt: "Hópur kvennalistakvenna fer með nafn Kvennalistans með sér í viðræðurnar við flokkana en hann fer ekki með fjöregg hans því það var brotið á landsfundi Kvennalistans við Úlfhljótsvatn í gær. Fjöreggið í þessu tilliti eru vinnubrögð sem Kvennalistinn hefur frá fyrstu tíð tileinkað sér og haldið á lofti." Rétt er að taka fram að 3 konur gengu til liðs við Samtök um kvennalista í dag, 2 þeirra eru raunar fyrirverandi kvennalistakonur sem ganga nú á ný til liðs við samtökin.

Tími: 1:50

Fréttamaður: Þróstur Emilsson